

Naalakkersuisut  
Digitalinngorsaaneermi Aqutsisoqarfik

[digitalisering@nanoq.gl](mailto:digitalisering@nanoq.gl)  
[erfi@nanoq.gl](mailto:erfi@nanoq.gl).

Kalaallit-nunaanni digitalinngorsaaneermi Aqutsisoqarfiata, Digitaliseringsstyrelsen i Grønland-ip ulloq 19. juni 2015 Justitstministeriet (Inatsisitigut Ministeriaqarfik) qarasaasiatigut inatsisitigullu isumannaatsuunissaq pillugu apeqquteqaatip akissuteqarfiginissaanut atatillugu apeqquteqaammi imm. 2-p aamma 5-ip akissuteqarfiginissaanut ilassuteqarsinnaersut apeqqutigaa. Tassa Inatsisartut Naalakkersuisut 1. juni 2015-imi tamatumunnga apeqquteqarfiginikuugamikkit.

24. juli 2015-imi oqarasuaatikkut oqaloqatigiinnermut atatillugu Kalaallit-nunaanni digitalinngorsaaneermi Aqutsisoqarfiata, Digitaliseringsstyrelsen i Grønland-ip ilisimatit-sissutigaa Naalakkersuisut apeqquteqaatip immikkoortua, punkt 5 namminneerlutik akissuteqaateqarfigerersimagaat, taamaattumillu Justitstministeria qinnuivigineqarsimalluni imm. 2-p akissuteqaateqarfiginissaanut tapiuteqaqqullugu.

Apeqquteqaammi imm. 2 ima allaqqavoq.

”Taamaammat Naalakkersuisunut tunngavilersinnaanerlugu, sooq massakkut pisortat Kalaallit-nunaani innuttaasut suliffeqarfiillu qarasaasiatigut pissusilersornerannik nalinginnaasunik ataqqinninnissamik kinguneqartinneqanngitsumik uni-oqputitsinnaalersut, uffalu innuttaasunut kinguneqartinneqartussaasoq.”

Tamatumunnga atatillugu Justitstministeria imaattumik oqaaseqaateqassaaq:

Justitstministeriaqarfimmiit naatsorsuutigineqarpoq, apeqquteqaammut attuumassuteqartoq tassaasoq peqqussummut ilusissamut siunnersuut, taannalu Kalaallit-nunaani inunnut ataasiakkaanut tunngatillugu paasissutissanik misissuisinnaalernissaq pillugu inatsisissamik atuutilersitsinikkut atuutilersinneqarnissaa, taanna 21. juni 2015 Namminersorlutik Oqartussanut nassiunneqarnikuuvoq. Erseqqissaatigineqassaaq ministeriaqarfiup peqqussummut siunnersuut iluarsaateqqisaq august 2015-imi Namminersorlutik Oqartussanut nassiunnikummagu. Taamaatorli tassunga atatillugu apeqquteqaateqarnermi siunnersuut allanngortinneqarsimangilaq.

Ullumikkut Kalaallit-nunaani inunnut ataasiakkaanut tunngatillugu paasissutissanut tunngatillugu suliaqarnerit nalinginnaasunik aalajangersagaqarpoq, tassa inuit ataasiakkaat nalunaarsorneqarnerinut assigisaannut tunngasutigut inatsimmi kiisalu pisortati-goortumik nalunaarsuinikkut inatsimmi. Nalunaarsuinikkut inatsisit marluusut taakkua 1. januar 1979-imi Danmarkimi kiisalu Kalaallit-nunaa atuuttussanngortinneqarput.

Ulloq 1. juli 2000 inuit ataasiakakat pillugit paasissutissanut tunngatillugu inatsisip Danmarkimi nalunaarsuineranut inatsisit taarserpai, kiisalu peqqussummut siunnersuut tassaasussaavoq Kalaallit-nunaanni nalunaarsuineranut inatsisinik taarsiisussa.

Peqqussummut siunnersuutip imarisai tassaapput qallunaat inuit ataasiakkaat pillugit paasissutissat pillugit inatsisaannut naleqqiullugu allaanerussutit allaanerussutaannut tunngassuteqartut. Pingaartumillu allaanerussutit tassaanerullutik aqqissuunneqarnerani allaanerussutit imaluunniit allaanerussutit Kalaallit-nunaanni Danmark-imut naleqqiullugu allaanerusunik maleruagassaqaernerata kingunerisaanik aallaanerussutit, taamaattumillu inuit ataasiakkaat pillugit paasissutissanik katersinermi inatsisip atorneqarneranut tunngatillugu allaanerullutik.

Peqqussummut siunnersuummi § 65-p imarisaa tassaavoq inuit ataasiakkaat pillugit paasissutissanik suliaqarnermi aalajangersakkanik atuuttunik unioqutitsinermi pineqaatissiisarnermut maleruagassat. Aalajangersakkat inuit ataasiakkaat pillugit paasissutissanik katersinermi § 70-ip imarisaattut ippoq. Taamaattumik peqqussummut siunnersuut tamatuma tungaatigut Danmark-imi maleruagassanut atuuttunut naleqqiullugu allaanerussuteqanngilaq.

Inuit ataasiakkaat pillugit paasissutissanik katersinermi inatsimmi § 70-imi aalajangersagaq ( kiisalu Peqqussummut siunnersuummi § 65) tassaavoq tamatuma suliarinerani inuit ataasiakkaat pillugit imaluunniit pisortat pillugit suliarinninnermi kikkut suliarinnittuusimaneramik immikkoortitsineq. Inuit ataasiakkaat pillugit paasissutissanik katersinermik suliaqarnermi aalajangersakkanik unioqutitsineq inunnit nammineerlutik suliaqartunit suliarineqarsimappata pisortat tungaanniit inatsisit tunngavigalugit suliaqarsimasunut naleqqiullugu sakkortunerujussuarmik pineqaatissiisutigin eqarsinnaavoq.

Inuit ataasiakkaat pillugit paasissutissanik katersinermi inatsisissap pilersinneqarnera sioqqullugu suliaqarnerit naapertorlugit unioqutitsinermut tunngatillugu pineqaatissiinnermi pisortat imaluunniit inuit ataasiakkaat suliaqartuusimanersut aallaavigalugit assigiinngitsinermut tunuliaqutaasoq ilaatigut tassaavoq pineqaatissiinnermut inatsit pisortat suliffeqarfianni atorfillit suliarinnittuusimasut suliamikkut akisussaanerannik inissiineq imaluunniit sulianut tunngassuteqartut il.il. ( pisortat ingerlatsiviini atorfeqarnermi sulinermilu assigisaannilu pinerluttoqarnermut tunngatillugu, tassungalu atatillugu §§ 152-152 nipangiussisussaaitaanermut tunngatillugu inatsimmi kapitali 16) kiisalu maanna pisortat suliffeqarfiani sulisut pisussaaffimminnik malinninnissaannut akisussaaffilerneqarsinnaalerput (tak. isumaliutissiissut nr. 1345/1997 inuit ataasiakkaat pillugit paasissutissanik katersinermik suliaqarnermut tunngasoq qupp. 389).

Kalaallit-nunaanni pinerlunnermut inatsit ilaatigut pisortat suliffeqarfiini sulisut suliaminnut assigisaanullu atatillugu aalajangersaavigineqarsimaneranut assingusunik aammattaaq ima qarpoq (kapitali 11, pisortat suliffeqarfiini atorfillitut suliaqarnermi assigisaanilu unioqutitsinermut, tamatumunngalu atatillugu §§ 50-54 nipangiussisussaa-titaanermut tunngasoq).

Erseqqissaatigineqassaaq Kalaallit-nunaanni nalunaarsuineranut inatsisini pineqaatissiinnermut aalajangersakkani aammattaaq tamatuma suliarinerani inuit ataasiakkaat pillugit imaluunniit pisortat pillugit suliarinninnermi kikkut suliarinnittuusimaneramik immik-

koortitsineq. Aammattaaq matumani inuit ataasiakkaat pillugit paasissutissanik katersinermik suliaqarnerni maleruagassanik unioqqutitsinerit inunnit nammineertunit imaluunniit pisortat suliffeqarfiini atorfilinnit suliarineqarsimanersoq aallaavigalugu assigiinngisitsisoqartarpoq.

Aammattaarlu matumunnga atatillugu erseqqisaatigineqassaaq inuit ataasiakkaat pillugit paasissutissanik katersinermi inatsit tunngavigalugu suliarineqarsimasut unioqqutinneqarsimasut pineqaatissiissutigineqarsinnaasullu inunnit nalinginnaasunit imaluunniit inatsisilerituutut ilinniarsimasunit suliarineqarsinnaasut, tamatumunnga ilaatillugit pisortat suliffeqarfiutai, tassa suliamut atatillugu piumasaqaatit nalinginnaasut malinneqarsimappata, tak. matuma ataani allaqqasoq.

Pisortat oqartussaaffiisa pineqaatissinneqarnissamut akisussaaffiat killiliinermut ilaatinneqarpoq, taassumalu pineqaatissiinermut inatsimmi § 27 imm. 2-mi aalajangersakkat nalinginaasut malipai. Aalajangersagaq taanna tunngavigalugu naalagaafiup kommunillu oqartussaasui taamaallaat unioqqutitsinermi pineqaatissinneqarsinnaapput, tamannalu suliffeqarfiup namminersortup taamaatumik unioqqutitsinermi pineqaatissinneqarnissaanut assingusumik pineqaatissinneqassaaq.

Pisortat oqartussaaffiisa pineqaatissinneqarnissaannut tunngatillugu uparuaatinut oqaatigineqassaaq pineqaatissinneqarnermi nalinginnaasumik naalagaafimmi oqartussaasunut akiliisitsinerup atorneqarnera kinguneqarnaviannngilaq, tassami akiliisitsinermi isertut naalagaaffiup karsianut tuttussaammata, taamaattumillu pisortat namminersortunut naleqqiullutik inatsisit tunngaviusut inatsiseqarnerlu tunngavigalugit suliassanik aalajangersimasunik suliaqarnissamut pisussaaffeqarput, kiisalu pisortat ingerlatsivii sullivinnut namminertortunut naleqqiullutik suliaminnik ingerlatsinertik unitsiinnarsinnaanngilaat, kiisalu suliaq ingerlassimasaq inatsisinik uniuusutut isikkorqartillugu unitsissinnaanagu, aningaasaliinikkullu inatsisit maleruagqusaasa piumasarimmassuk, pisortat oqartussaasa suliat inatsisinik unioqqutitsisutut inissisimasut imaaliallaannaq iluarsiiviginiarlugit aningaasaliissutissanik pissarsinissaat periarfissaqannngilaq, tassa aningaasatigut sinaakutarineqartut atugassaritinneqartut iluini periarfissaqanngippat, kiisalu pisortat ingerlatsiviini akisussaaffinnik agguuassinermi immikkut ittunik maleruagassanik atuuttsisoqanngippat taamatullu pisortat suliffeqarfiini sulisut sulinerminni inatsisinik malinninnissamut pisussaaffeqarmata, tamatumunngalu atatillugu aamma pineqaatissinneqarsinnaanermut aqqissussinermut maleragassat atuupput, tak. Pineqaatissiinermut inatsimmut siunnersuisoqatigiit isumaliutissiissutaa nr. 1289/1995-imi sulisut inatsisilerituujusut akiliisinneqarsinnaanerannut tunngasoq qupp. 69. Tamakkua saniatigut oqaatigineqarpoq pisortat oqartussaaffiisa akiliisinneqarnermik pineqaatissinneqarnerat pissutsit piviusut isigalugit tassaasoq innuttaasunit pineqaatissiineq.

Naalagaaffiup kommunillu oqartussaaffiisa sulianik, soorlu namminersortunit pigineqartunit ingerlanneqarsinaasut assigisaannik ingerlatsisoqartullugu unioqqutitsisoqartillugu pineqaatissinneqarsinnaannginnerannut tunngaviusoq tassa pisortat oqartussaaffii namminersortumik ingerlathanut naleqqiullugu eqqarsaatigisassaq tassa pisortat oqartussaaffiisa aktieselskabit assigisaasalu pisortat suliaasa assingunik ingerlatsisoqartillugu imminnut assingusunik pineqaatissineqartarmata. Taamaattumillu tamatigut pisortat oqartussaaffiisa inatsisitigut unioqqutitsisumik ingerlatsigaluarlutik pineqaatissinneqanngitsoorpata, illuatungaanili inatsisitigut unioqqutitsineq assingusoq ingerlatsivinnik

namminersortunik ingerlanneqarpat pineqaatissinneqarnermik kinguneqarpat. Tamatumunnga atatillugu Pineqaatissiinermut inatsimmut siunnersuisoqatigiit isumaliutissiisutaa nr. 1289/1995-imi sulisorisat inatsisilerituut akiliisitassanngortinnerannut tungassuteqartumi qupp. 69-70 innersuutigineqassaaq.

Kalaallit-nunaani pinerlunnermut inatsimmi § 19 imm. 2, tassaavoq pisortat oqartussaaffiisa pineqaatissinneqarnissamut pisussaafiinik killilersuineq soorli pineqaatissiinermut inatsimmi § 27 imm. 2.

Peqqussummut siunnersuut aqutigalugu pisortat oqartussaaffiisa Kalaallit-nunaanni maleruagassani atuuttuni Danmarkimi maleruagassanut assingusunut naleqqiullugu pineqaatissinneqarnermik killiliinerit eqqarsaatigineqanngillat.

Søren Pind

/

Carsten Madsen